



DOTNA TANGPITE

NA THEIHNOP PEN CLICK IN



1. NDPN BANG A HIA?
2. NDPN IN BANG² HUAM AHIA?
3. NDPN AH KUATE HITHEI DING AHIA?
4. BANGCHI IN KA TELKHA THEI DIA?
5. THU CHIANGZAW KOI AH KA THEI² DIA?
6. TU KUM A HUNCHIAM BANGCHIK AHIA?
7. 'MISSIONARY ASSOCIATE' BANG AHIA?
8. 'COLLEGE STUDENTS' BANG AHIA?
9. 'COACHING CAREER' BANG AHIA?
10. 'TRAINING VOCATION' BANG AHIA?
11. 'START-UP BUSINESS' BANG AHIA?
12. 'WORKING PROFESSIONALS' BANG AHIA?

KIBULPHUHNA BIBLE TANGTE



1. NDPN BANG A HIA?

NDPN kichi Nekzonna Dohkan Pulpit Nasepna lamtom ahi a, i saptuam [EBC] in Pathian' Mission sepna ding a Bible sinsakna pansan a kalsuanna kum 2023 a i pat ahi.

2. NDPN IN BANG² HUAM AHIA?

- a. **Missionary Associate:** I seppih WEC/SIM missionary a kuan ding lunglutte panpih a, lak a omte chawmna piak ding.
- b. **College Student:** Lehkhasim lunglut a college kai a, nekzonna tungtawn a Pathian nasem nuam, laizilna ding a panpihngaite panpih ding.
- c. **Coaching Career:** Laisiamna neihsate pansan a sepna ding gelh a, hiai tungtawn a Pathian nasem nuam mi; coaching, omna ding leh material/laisimna mun ding toh kisai panpihngaite panpih ding.
- d. **Training Vocational:** Lai lam hiseselou, nasepna lam tuamtuam a sepna tungtawn Pathian nasem nuam, huai dia training leh sepna zonna lam a panpihngaite panpih ding.
- e. **Start-up Business:** Kisinsiamna neita, amau a nekzonna kibulpat a, hiai tungtawn a Pathian nasem nuamte a ding in khopi saptuam omnate leh i missionaryte sepna munte ah, kibulpatna ding sum lam ah huhna leh a pung omlou a loan pia a panpihngaite panpih ding.
- f. **Working Professionals:** Nekzonna neisa, tua a nekzonna pen Pathian nasepna a zang nuam mite a dia seminar nei a, a poimoh bang a kithuzakna leh kalsuantouh zelna dia a thulam a kipanpih ding.



3. NDPN AH KUATE HITHEI DING AHIA?

I saptuam mi, khalam pianthakna nei, saptuam thununna a omlel hilou, Pathian' mission sem nuam, Pastor in Recommendation a bawl leh interview tungtawn a sehkhak a om mite.

4. BANGCHI IN KA TELKHA THEI DIA?

Na tualsung saptuam ua Pastor/TBMC/TBYF member-te kiang ah a thu kanchian in la, Pastor in a hon recommend a, interview ding a sap a na om a, sehkhak a om ngai ding hi. October 20, 2023 tan in Dorcas Hall ah na thu a tun ngai ding hi.

5. THU CHIANGZAW KOI AH KA THEI² DIA?

Thuchiang theih beh nop na neih leh Dorcas Hall ah Missions Department-te kiang ah a kanchet theih ding hi. Hiai phone numberte ah leng a kanchet theih ding.

- Rev Thangsanglian Guite: [8197951116](tel:8197951116)
- Upa T. Paukhansiam: [9615433186](tel:9615433186)
- Mr T. Jamthianmung: [8119966874](tel:8119966874)

6. TU KUM A HUNCHIAM BANGCHIK AHIA?

Lunglutna neite' Pastor Recommend-na October 20, 2023 tan a Dorcas Hall a tun ngai ding ahi.

7. 'MISSIONARY ASSOCIATE' BANG AHIA?

Saptuam in i seppih World Evangelization for Christ/ Serving In Mission tungtawn a missionary kuannuamte saptuam in facilitate in, pha a sakte amau lak ah recommend ding hi. Amaute' recruitment process zui in paitou ding a, lak a omleh Memorandum of Agreement nei in saptuam pen sending & supporting church in a pang ding a, vualzawlina toh nagotna nei in member/sender care support petou ding hi. Chawmna pen hun paisate bang in saptuam in WEC/SIM toh kithuzak in, i hihtheih bang in i pang ding hi.



8. 'COLLEGE STUDENTS' BANG AHIA?

Lehkhasim lunglut, college kai a nekzonna neih sawm a laisim ut, hiai nekzonna tungtawn a Pathian nasem nuam panpihngaite panpihna piak ding. Nation Missions Consultation toh pangkhawm a sep ding ahi a, saptuam in NMC lam a facilitate ding hi. (NMC in Christiante college kaina a huhna poimohte etkaipihna sem hi). Lampaina a huhna leh huhna dang poimoh a omleh a poimoh dungzui a etkai ahi ding. Hiai bang College naupangte a lemtanna munte a group fellowship bawl in khalam leh NDPN vai sinsakna a kallak in a kipezel ding hi.

9. 'COACHING CAREER' BANG AHIA?

Sepna ding gelh a, hiai tungtawn a Pathian nasem nuam, coaching class kai nuam hiam omna ding leh material/laisimna mun ding toh kisai panpihngaite panpih ding. Coaching class kai nuamte a lemchan liaileh Lamka a centre omsate tawn a chawm ding, Laisimna dia giahna leh material/ laisimna mun poimohte, Lamka ah Centre bawl a etzui ding. Exam dia khualzinna leh zintunna, Aizawl leh Guwahati tan etkaipih ding. Lohching a omleh, "Working Professionals" NDPN nasepna a kihel ding. Amaute khalam leh NDPN vai a sinsak ding a kallak a neih hizel ding hi.

10. 'TRAINING VOCATION' BANG AHIA?

Lai lam hiseselou, nasepna lam tuamtuam a sepna tungtawn Pathian nasem nuam, huai dia training leh sepna zonna lam a panpihngaite Lamka, Delhi leh Bangalore te ah tuabang a septheihna ding ua kithuahpih ding. Lamka a training lemchangte Lamka ah training sung chawmna piak ding. Delhi/Bangalore ah lampaina ban ah training sung chawmna piaktheih ding. Hiai munte lou poimohna omleh, athu zil a ngaihtuah ding. Alemtanna ah group fellowship bawl



in, khalam leh NDPN vai a sinsak zel ding. Training zoh a sepna zonsung kha nih tan chawmna piaktheih ding. Sepna pat nung a poimohna tuam a omleh kha khat/nih behlap theih ding. A lemtan leh Delhi & Bangalore ah PG a subsidized rate omtheihna ngaihtuah ding. Sepna mute “Working Professionals” NDPN nasepna a kihel ding.

11. ‘START-UP BUSINESS’ BANG AHIA?

Kisinsiamna neita, amau a nekzonna kibulpat a, hiai tungtawn a Pathian nasepna nuamte a ding in Khopi saptuam omnate leh i missionaryte sepna munte ah, kibulpatna ding sum lam ah huhna leh a pung omlou a loan pia a panpih ding. Hiaite ahitheih tan in Missionaryte omna mun hileh huchilou, athu zil in Delhi leh khopi saptuam omnate ah leng. Amau siamna zil a huhna leh apung omlou loan gawmkhawm 2 lakhs tan omtheih ding. A kallaklak in khalam leh NDPN vai a sinsak ding. Missionaryte toh pangkhawm in ma a la ding uhi. Loan pen nasep kipat apan kha guk apan din pan in, kum nih tan a ditsiang ding. Amaute a ding “Monitoring Team” bawl bawl ding. “Working Professionals” a bang hita ding

12. ‘WORKING PROFESSIONALS’ BANG AHIA?

Nekzonna neisa, tua a nekzonna pen Pathian nasepna a zang nuam mite a dia seminar nei a, a poimoh bang a kithuzakna leh kalsuantouh zelna dia a thulam a kipanpih ding, chihthe ngim dan ahi. Khopi saptuamte a awareness leh seminar neih a, hiai bang mi zon ding. A lunglut bikte team bawl a networking leh training neihtouh zel ding.

KIBULPHUHNA BIBLE TANGTE

Kolosate 3:17, 23, 24, 4:5; Nasepte 18:1-4; Efesate 5:15;; Mathai 10:16; 1 Pet 2:12; Jeremia 29:4-11

